

আমার মোহাম্মদের নামের ধ্যান হৃদয়ে
কাজী নজরুল ইসলাম

আমার মোহাম্মদের নামের ধ্যান হৃদয়ে যার রয়,
খোদার সাথে হয়েছে তার গোপন পরিচয়।।

ঐ নামে যে ডুবে আছে,
নাই দুঃখ শোক তাহার কাছে,
ঐ নামের প্রেমে দুনিয়াকে সে দেখে প্রেমময়।।

যে খোশ নসিব গিয়াছে ঐ নামের স্রোতে ভেসে,
জেনেছে সে কোরান হাদিস ফেকাহ এক নিমেষে।

মোর নবীজী বর-মালা
করেছে যার হৃদয় আলা,

বেহেশতের সে আশ রাখে না,
তার নাই দোজখের ভয়।।